


NEWSLETTER YA DITHO

Phetolelo e Ikgethang | Pudungwana 2021



LENANEO LA MMUSO LA THUSO YA DITJHELETE HO MOTHO A SA KAGONENG [GOVERNMENT FINANCE LINKED INDIVIDUAL SUBSIDY PROGRAMME] ("FLISP")

Setho se Ratehang

Malebana le ntlha e kahodimo re lakatsa ho hlalosa ka kakaretso lenaneo lena la thuso ya ditjhelete le fumanwang ke batho ba qalang ho reka matlo, le bitswang lenaneo la mmuso la thuso ya ditjhelete ho motho a sa kgoneng.

Thuso ena ya ditjhelete e tla fumanwa feela ke batho bao moputso wa kgwedi o feletseng o leng pakeng tsa **R3 501.00** le **R22 000.00**. Thuso ya ditjhelete e qala ho **R121, 626** ho fihla ho **R27,960** ho ya ka hore motho o fihlella ditlhoko.

Ditho tse lakatsang ho etsa kopo ya thuso ya ditjhelete, di tlameha ho fihlella ditlhoko tse latelang hore di ka fumana FLISP:

- Ebe moahi wa Afrika Borwa kapa modudi ya dumelletsweng hoba wa ka dinako tsohle, ya nang le tokomane ya boitsebiso ya Afrika Borwa;
- Abe le batho ba tshepotseng ho yena ka ditjhelete (ho etsa mohlala, molekane, bana);
- Ebe ha a soka a fumana thuso le ha e le efe ya Sekeme sa Mmuso sa Thuso ya Ditjhelete tsa Matlo;
- Ebe o entse Kadimotjhelete ya ho Reka Ntlo 'tumelo ya ho kadingwa tjehelete e hlokehang' ho tswa institjhusheneng ya ditjhelete, ka maikemisetso a:
 - o ho reka ntlo; kapa
 - o ho reka setsha sa ntlo o tla dula ho yona, moo ho nang le tumellano le seahi se ngodisitsweng ho NHBRC; kapa
 - o ho aha ntlo setsheng sa hao, moo seahi se ngodisitsweng ho NHBRC.

Thuso ya FLISP e ka fumanwa feela bakeng sa ntlo o dulang ho yona sebakeng sa bodulo ba matlo a phethahetseng, moo theko ya ntlo e Ngodisitsweng Kantorong ya Matlo a Rekilweng.

FLISP e fumanwa ka ho ikgetha ka tshebedisano le moadimane wa kadimotjhelete ya ho reka matlo ya dumelletsweng kapa kadimotjhelete ya ntlo e sireleditsweng ka tjehelete ya phenshene. Setho se tshwana hoba le tumellano ya ho reka ntlo, se itshetlehile maemong a ho tjhaellwa-monwana ke FLISP le ho tjhaellwa-monwana ke moadimane ya kang lemas, FNB kapa institjhushene le ha e le efe ya ditjhelete.

FLISP e tla patalwa ha feela ntlo e se e le lebitsong la setho mme le thekiso ya ntlo e ngodisitswe.

Ditho di tlameha ho etela dikantorong tsa Lefapha la Bodulo le haufi ditoropong tsa tsona kapa dibakeng tseo ditho di dulang ho tsona, ho etsa kopo ya thuso ena ya ditjhelete.

Hlokomela hore lenaneo lena ha le etswe ebile ha le fumanwe ka tshebediso ya MWPF. Haeba o lakatsa ho fumana lesedi le leng kapa ho botsa dipotso ka lenaneo lena, ka kopo ikopanye le Lefapha la Bodulo ka kotloloho. MWPF ha e maemong a ho botsa dipotso lebitsong la ditho. Maikemisetso a kgokahanyo ena ke ho hlokomedisa ditho ka ho ba teng ha lenaneo, ebang o ka lakatsa ho etsa kopo ya thuso ya ditjhelete, e tlamehang ho etswa mmoho le kopo ho lemas, FNB kapa institjhushene le ha e le efe ya ditjhelete, bakeng sa ho fumana kananelo ka ho fihlella ditlhoko jwalo ka ha ho hlalositse kahodimo.

Letlole, MWPF le ikemiseditse ho fedisa le ho ba le mmuso o hlokang diketso tsa bobodu.

Ka kopo hlokomela diketsahalo tse latelang tsa boqhekanyetsi, tse ntseng di etsahala hona jwale:

- Baqhekanyetsi ba ikgakanya ka hore ke basebeletsi ba MWPF le ho kopa ditho tsa letlole ho tima di diselefouno tsa bona.

Hlokomela eo/bao ha se MWPF. Re ke ke ra o kopa hore o time selefounu ya hao nakwana kapa metsotswana e mmalwa. Haeba o koptjwa ho etsa jwalo, tlaleha sena ho 010 100 3001 hanghang.

- Baqhekanyetsi ba o kopa hore o netefatse dintlha tsa hao tsa bankeng founong.

Hlokomela hore MWPF e ke ke ya o kopa hore o netefatse dintlha tsa hao tsa bankeng founong.

- Ba o kopa hore o patale ho bona ebang o ntse o na le tjhelete ho MWPF e sa patalwang.

Hlokomela bao ba batlang ho sheba ebang ho na le tjhelete le ha e le efe e sa patalwang, ba ka ikopanya le MWPF ka kotloloho, ba se ke ba botsa motho wa boraro. Re ke ke ra kopa basebeletsi ba mehleng ba sa merafong kapa bajalefa ba bona ho re patala tjhelete, ho ka sheba ebang ba na le tjhelete eo ba tshwanelang ho e fumana. MWPF ha e batle tjhelete le ha e le efe ho sheba ebang basebeletsi ba mehleng ba merafong ba na le ditjhelete tse sa patalwang.

Dula o le sedi le ho tlaleha diketsahalo le ha e le dife tsa boqhekanyetsi ho MWPF ka ho letsetsa 010 100 3001.

Wa hao ka Botshepehi

Frans Phakgadi
Mohlanka e Moholo

Mineworkers Provident Fund

☎ 010 100 3001

✉ clientservices@mineworkers.co.za

